

四
憶
堂
詩
集

四憶堂詩集序

侯子刻四憶堂詩成賈子叙曰嗚呼詩之存亡豈不以人哉易曰修辭立其誠誠者性情辭者體要吾聞古聖賢之徒誠發爲辭而詩命焉非知道莫或幾也尚書以樂合詩以教胄子以和神人孔氏斷自商周定篇三百疏宕者風莊嚴者雅奧質者頌盡辭之變矣非是則無辭也端木賜傳卜商小序傳也序也非作也孔氏亡而詩亡漢魏六朝作者間出然求其旨歸於四詩

者鮮矣千餘載而唐始有杜甫杜甫者非唐三
百年一人也孔氏刪詩後一人也同昔當在端
木卜商之上舊論謂山東李白與甫齊名然白
以氣韻雄未爲知道甫獨能極衆眩曜折以法
度披其全文小雅譏小已之得失其流及上庶
幾近之杜甫亡而詩又亡其後七百年明有李
夢陽何景明登其堂正始在焉今流俗之議之
者以爲優孟衣冠夫世有金谷瑤室居然天府
卽明璫琇瑩間未充斥非探其層複者固未易

知也亦泱泱乎大觀矣彼刻意清聖雖露臺猶
不獲與未央宮等而况翬然起於窮巷庶人之
風乎嗚乎慶曆以還言詩者衆矣其與二公之
得失爲何如也二公亡後又百餘年而有余多
侯子殫心討論垂二十年避難歸里始釐定詩
章一言之不類於道者皆去之侯子曰杜甫者
非唐三百年一人也孔氏刪詩以後源流在此
也今夫世之尊杜甫者非知杜甫也耳治也若
侯子者可謂知杜甫矣可謂知道矣先是洛陽

有相國王公鐸又稍前則侯子仲父入司成公
恪其詩頗與甫合然集大成者其侯子平武威
賈開宗記

四憶堂詩集序

漆園氏稱犖牛大若垂天之雲而不能搏鼠蝟
與鶯鳩翱翔蓬蒿之間而不能搏扶搖而上九
萬里物各有其分信哉孔子刪詩有雅有頌有
風雅頌之言欲大而普犖牛若垂天之雲之類
也風之言欲幽而悉蝟與鶯鳩翱翔蓬蒿之間
之類也漢魏而下唐三百年如杜甫諸人有時
應制郊廟及名山大川邊塞之什與夫贈送將
相有關治亂之作則其言大而普有時丘壑花

月飲酒紀離之吟則幽而悉致相兼也晚唐宋
元數百年號爲作者鄙而不能大也纖而不能
也而詩亡矣明三百年劉基高啓諸人而後
興于李夢陽何景明今觀景明之詩沉鬱頓
挫遶夢陽固也其與夢陽論詩諸書氣象之後
益以清新逸俊故夢陽之詩全體杜甫者景明
之力也其後太倉歷下諸子猶能守其宗風浸
淫以降失其義類尋常宴集動引國事閨中禪
房雜綴風塵充其類至于有雅頌而無風相沿

數十解而不足厭服天下騷人墨士之心公安
景幾盡起而詆之遂盡變其調而不自知其入
于輕俗寒瘦之僻充其類又至于有風而無雅
頌故夢陽而後全體杜甫者憂憂乎其難之予
爰侯子以詩名者二十年先後著作凡歷數變
要皆慎而求焉以杜甫爲宗犖受而讀所謂明
之夢陽庶幾近之其必傳無疑也世之學詩者
誦法六倉歷下則有侯子應制郊廟及名山大
川邊塞之什贈送將相有關治亂之作所謂大

而普者也卽不能遽反公安景陵之說則有侯
子丘齋花月飲酒紀離之吟所謂幽而悉者也
非獨有關於世道之絕續亦將使海內學詩者
知所法也同里社弟宋肇撰

四憶堂詩集序

先司馬公與侯司徒公相善以故兩家子姓咸
若昆弟也司馬公長於司徒公八歲今朝宗乃
長於余八歲其莫逆一如兩公朝宗蚤以文章
風雅擅宇宙大名余時尚孩童嬉戲輒聞而震
驚之司馬公亦數數言侯公子軼塵超影小子
可不勗諸甲申朝宗罹皖江黨人之獄避司馬
公邸中始與余定交慷慨悲歌醉後留一詩爲
別今集中別練三者是也余每恨當時不知詩

雖幸與朝宗交聞其論當世大畧而未得究風
雅之指歸一念及怏怏者久之未幾遭天下改
革聚散不常與朝宗遂相失又數歲復遇之於
禾水朝宗是昔較潘岳秋興之年不過加其三
而乃鬢有二毛余更七尺潦倒無以謝故人嗚
乎不有吟詠何以陶寫昔人之賦五噫四愁者
未知視吾兩人遭際何如也邸次中時時論詩
謬爲朝宗許可乃出其全集俾余訂之余竊謂
詩人固無不學卽其才亦大約左右追隨之間

未有全相信疑者惟是識之所至不可復強則
分優劣耳少陵之空其羣輩者有獨識也余之
服膺四憶堂以此至於源流正變則賈宋二子
論之詳矣茲不贅也社弟練貞吉記

四憶堂詩集序

人生每多不見古人之恨如梁孝王者不得與之同時亦一恨也假令生當其時與梁園賓客倡和必有可觀曩者萬年少相訂爲中州之遊弔梁王舊址憑眺嵩嶽觀二室之奇介余於侯氏之族謂此中有長舉朝宗賦詩讌客不減梁園余竊心動嗣後蔣黃門楚珍周文學勒卣相繼往遊歸述梁園人物之盛如霖蒼讓伯赤社孝先靜子恭士其選也而首推服者則稱道朝

宗勿絕云余甲戌交朝宗讀其文景慕其爲人
壬午之秋把臂白門意氣浩落才鋒四起以爲
一代文人倜儻非常之槩固宜如斯也壬辰冬
朝宗渡江而南訪孝先於禾城復與余遇極論
當世治亂古今成敗之故曉暢精詳皆素所諳
練與耳食者異及言故人往事感歎悲泣然後
歎其賦性淵篤用意深切不可徒以文人自之
而余向乃知吾友不盡也朝宗齒方壯才名早
著亦已二十年矣以其作史之才開館授筆可

備文獻顧其學乃時時見於他說何也儒者多
不知前代故實與夫黨戶源流仕宦邪正及將
相功罪邊疆虛實大小寇亂所繇起朝宗侍司
從公宦遊身歷兵農之務故言之洞悉若指諸
掌余嘗於其所作傳記中竊觀之以稱良史何
媿焉若其緣情賦景卽事造端著爲風雅之辭
體則各備動法古人憫亂侶少陵咏史侶義山
懷古侶用晦出其憑弔之篇與秦州馬嵬驪山
金陵比而較之未知孰勝一唱三歎之間有變

四憶堂詩集序

而不失其正者語余曰是刻也編年而成凡若干卷編年者以驗學之日進亦以考時之代更也二十年内兵寇流離奔竄瑣尾而刻陰窮畧著作不輟其所目擊心愴人物之存亡不知凡幾矣是以朝宗之敘余也感念陳夏皆已零落余又安能已於讓伯霖蒼西州之痛哉吾兩人雖老壯不同然靈光之存有同感矣雲間盟社弟彭賓題于吳興蕭寺

四億堂詩集目錄

第一卷

過易水黃金臺

出塞

魏徵墓

關山月

蒼鷹

新月二首

蚤發述懷

寄彭別駕丈人

漫贈三首

贈吳徵君丈人

聞鴈二首

鼯鼠行

竹生崑崙西

西山雜詩五首

蚤春見蠅

惡木

藉田禮成恭記

天壽山陵

居庸關

和詹事文公宿郊壇作

郊祀二十韻

大閱二十五韻

早朝應司徒公教

宿州

塞下曲二首

蜀犬行

皓鳧

晚眺

泛舟卽事

召旱

絕句四首

贈徐大世琛

故城

武城

朝城

麥秀

寒食

清明

贈徐孝廉作霖三十韻

蓬蒿行

暮春雜詩五首

四時辭四首

劍客

第二卷

王嬙故里

謝方簡討送衣

寄夏進士允彝

金陵贈范公司馬

奉和臬司李公白兔之作

贈梁明府

贈給事何公謫金陵四首

妖孽

招隱二章章五句

燕至二首

歸來酬吳大伯喬見贈用原韻兼呈徐四

作霖吳二伯胤

弔戰場二首

秋蚓歎

送陳生歸義興

贈人

金陵題畫扇

姑射何高

白頭吟

生別離

老栢

雨

贈劉京兆

聞亂八首

李生宗約家蓄鵝肥腠吳子數數爲余言

思其充庖率爾作此示宗約兼呈吳大

伯齋徐四作霖

野田黃雀行

禁旅十首

劍外

寄寧南侯

又寄子侯

桃源寺

九日雨花臺五首

夢吳三伯胤

世事

虎丘八月十五夜

第三卷

洞庭

冬日湖上二首

過昭慶寺

四兄至

岳廟

堤上

餘杭

晚渡錢塘

富陽

蚤發

寄揚州賀都督

贈高開府二首

臨發別賀都督

贈張尚書

九日過張員外

宴張尚書舟中

甲申聞新叅相公口號

禹鑄九鼎歌

金陵別練三

燕子磯送次尾

白露

卜居

湖上

海陵署中二首

過鳳陽陵園

中秋二首

九月登高

長至

觀趙十一娘畫幽蘭行

并序

十一夜月

雨

寄懷陳黃門子龍

奉送賈三丈開宗歸隱

苦疫行

春興八首

舍弟書至

奉贈故相國王公

蘭至

村西草堂歌

得姑蘇消息二首 黔虎行

寄陳子山中三首 都護馬爲狼所食歌

後歌 寄李舍人雯

寄泗上王二丈

第四卷

詠懷詩二十一首 送故武衛趙將軍

任弟生日 舊業四首

漫興四首 寄二兄

村居和徐五作肅三首

幽樓

種樹

後春興八首

月

又見

除夜四首

正月初一日雪

我昔二首

去住

奉送王將軍歸田

遁迹

聞彭別駕亡

張叔夜祠

南岡

題韓叔夜膝廬四首

詠古五首

聞警四首

感懷口號十五首 送前朝沈職方遠行

寄佟都督 歲暮雜詩四首

過叔氏別業 喜六兄舉兒

寄陳將軍二首

第五卷

高都督凱歌四首 過洛陽贈高都督

別徐大隣唐 再別宋二華

四兄事雪後却寄

再過宜興贈陳四丈貞慧

示顧孝廉宸

贈觀察原公

宴原觀察生日席上作

陽美歌答陳生

種松歌贈陳郎

寄賈三丈開宗

澄江贈高顓孫

贈徐君銓

贈許山子

遊吳遇李校書四首

贈校書歌二首

放歌送校書一首

哀辭九章

并序

澄江過韓氏園亭四首

君山

晚登君山大風望江

回首

答任王谷

第六卷

章皇帝御筆歌

老梅行贈韓翁

寄蕭三丈啓禎

寄宋二舉

寄徐五作肅

雨中舟行

答陳生

答任子

過澄潭贈蔣合明

贈戴九韶

贈戴生

漫贈二首

陽美同陳四丈過吳氏隱居

寄吳詹事

家書附絕句二首

偶聽絃索後又寄一首

陽美過陳青門廢園

送顧副使初入楚

寄宋學使徵輿

贈武林陳文學

答萬孝廉壽祺惠書畫

過江過彭孝廉賓

弔周太學立勲

君馬黃

枯魚過河泣

杜鵑行

行路難

飲馬長城窟行

楊花篇

御河行

白頭吟

估客樂

鳴鴈行

過唐進士采臣

寄平涼兄

贈吳漢若

倚蘭行

并序

贈蔣黃門

寄盛一兄順

夢亡弟

贈張經師

送練三貞吉

贈曹太僕

過彭使君

題容園舟中

平望

鸚鵡啄金盃歌

玉堂歌贈蔣學士超

過江秋詠八首

越水遇李大元素

詠史五首

夜泊過姜如須

寄魏大敏祺二首

四憶堂詩集卷之一

同里

賈開宗靜子

練貞吉石林

選註

徐作肅恭士

宋

犖牧仲

過易水黃金臺

千年尚有昭王闕高臺遺址生青蕨陰風常聞
擊筑歌蟋蟀哀鳴細不歇野原夕照霸圖盡東
顧督亢臥蒼碣老父無語立漁津易水捲波寒
六月氣象高涼慘澹經營割據心死馬不辭金千笏
詩亦經營慘澹想見古人懷抱處

今人但知重芻粟何論霜蹄

恣超忽汗血驂驪泣路隅況是區區皮與骨

出塞

迢遞關山上寒風萬里秋控騎還大漠分道出
通侯龍虎新縣號烽煙更築樓自是氣集幕庭應北
去征戍一歸休

魏徵墓

自注魏徵墓在阜城

鄭公墳墓下亂草沒煙井遭際附雲龍零落歸
墟壠豈非古賢豪同此弔秋影唐季改衣冠大
造嗟馳騁我來揖荒祠聞鐘發深省

關山月

何處關山月飄零又一秋
常通沙草白不度玉門流
漢將曾歸戍胡笳定解愁

想像在言外

烟塵今

未靖消息付刀頭

蒼鷹

斜日催寒樹蒼鷹獨野征
飛揚愁歲暮遲頓爲毛輕
自具風霜氣終非燕雀情
去來須任意湖海尚孤清

新厓

二首

新月弦初上繁星不可尋
遙分銀漢影細沒玉蟾陰
思婦高樓淚荒城戍夜砧
徘徊清照下容易動沉吟

今夜人如許容光柰月何
微茫遮桂樹窈窕見嫦娥
清入衰顏少寒侵薄袂多
吾生渾意緒把酒一長歌

蚤發述懷

蚤出上東門旭日始林莽
西山發朝氣揚袂挹新爽
寒石蹲如人春雲薄於掌
下馬折柳枝上

馬繫車鞅

落落古意

長嘯酌金壘高岡喟俯仰四國

正風塵結束將何往紛紛戰龍蛇悄悄驕魍魎
安得延津劍劃然肅清朗元侯二十四迹與蕭
曹倣仗策盪烽煙名畫麒麟上我亦閱修途努
力嗣前響奔走謁天門所期奏安攘帝側貴引
手衛霍出廐養南阿有高雀弋者祝羅網冥飛
自不顧芳餌何足賞

寄彭別駕丈人

何似南塘第五橋聞君卜築近參寥猖狂垂老

餘潘鬢屏棄隨人誤楚腰

滿酒語殊極氣韻

觸事莫須

歌九辨迅名惟應醉千朝誰憐昔日杜工部萬
卷讀書腹尚枵

漫贈

三首自注梅憲王翼一人姓名也

寂莫青峰冷暮江落楓今更識梅憲岐王遭際
尋常事一曲鬱輪未肯降

天涯去住竟如何最是關情王翼歌細憶姑蘇
好風景青衫回首淚痕多

下蔡風華久寂寥月明宮殿夜吹簫多情傾倒

張公子不數珠兒侍館陶

贈吳徵君丈人

自注丈人有二子伯齊伯胤

採藥鴻濛去延陵瓜瓞支高賢今杖履衡泌有
棲遲遭際先皇日衣冠全盛時在田畝隱士于
野荷天慈道大深懷古身清恥誦詩浮名終已
矣生事更何其純白兒童狎猖狂鹿豕欺風塵
終澹泊意趣肯磷緇南畝康衢力西成野老私
耒鋤過白社風雨愜黃鸝伏臘羔烹酒逢年豆
落箕陰晴常蚤起枯菀較親知朝貴矜簪笏王

塗暗蒺藜玄黃紛戰鬪甲第飾言詞鼠雀邦人
指釜鬻聖主疑老瞵西去楚尼父晚居夷感激
存初服疇能悟具茨優游餘等輩堂構兩男兒
大小麟龍望文章虎豹儀汗駒才自見弱冠影
難追憶昔當蘭茁吾翁尚栢司清流遭禁錮破
格獨規隨劍宿驚雷煥玄文重左思通家神聽
好伐木友生宜泰畚分梅並秋風到菊籬卽時
同作賦競慧各書碑神駿慙鸚鵡塵埃測驥騏
築壇牛耳會南國歆盟尸儒術兼終賈大名總

倍蓰十年探象罔法物得宗彛婚媾因心契雷
陳易子爲才情相左右格律絕參差縱橫中原
約森嚴大將旗深交思弁角閱歲已鬚眉杯酒
論家世嚶鳴切問遺扶藤超鶴禁隱几藉烏皮
畏壘行藏穩墨黔面目黧碧羹分澗菜朝露剪
香菱樂自人閒得憂從物外彌長齡經變態四
海近瘡痍廢郭朝羅雀巖城夜叫鷗駿奔誰矯
矯狐立故綏綏燭武曾嗟逝馮唐可備咨屏藩
尋戮辱七十隱熊羆高臥羲皇邈遐心日月昇

洪爐齊巧拙稿木喪成虧蒙叟漆園吏當樽楚
廟犧啜醢渾醉濁逃世在支離丹竈雲留鼎陰
符夜授圯接羅勝短髮恃粥供含飴章亥量朝
景魯戈駐夕曦貽謀開裔葉著姓系周姬世業
幽風遠人情舊俗疲南陽原臥葛莘野昔耕伊
襟帶江湖氣霜天薜荔枝自來巖穴者用則帝
王師

聞鴈 二首

故鴈鳴春苦

只一故字便爾寄意自別故知語正不在多

經年復此

過飄零漢塞盡怨惜楚雲多去去羣能穩棲棲
意若何江鄉望不極歲事已蹉跎

衡陽今幾載無力迅歸翰洲渚妖氛隔稻梁儉

歲難

居然有今昔安危之係而卽離映帶正合風雅小中見大又不足言矣

爾來

關氣候不忍遂凋殘非小離憂在暫時可擇安

鼯鼠行

君不見布穀能兩鳩能晴鼯鼠穴居避天風其
軀偃臥負稻梁羣鼠相啣積石鐘苦身作計無
乃勞果然之外亦何庸古賢用財有大度豈但

儉德重卑躬積乃不散非中禮他人是媮乘我

壙度數乘除乃是英雄揮
豁非僅爲達士之見我有美酒君不飲焉

復後來辨雌雄二蟲自云知陰晴堯霖湯旱亦

誰通奇意適會浩蕩無極
思致者少能如此願君開拓古心胸眼

前不見卽萬重

竹生崑崙西

竹生崑崙西桐產澤山陽勁姿凌霜威高蔭拂
日光材美超凡卉奇珍繇茲章聖神初端拱羲
軒坐明堂取裁及草木制用因短長伐桐作璠

琴載鼓散沴殃截竹爲笙管吹之引鳳凰雖雄

十二律絃柱十五行

直而能逸
疏而能古

雅樂譙羣侯大

饗奏天閭逢時豈不貴但惜天年傷落枝一辭

柯千秋委道傷

陡煞如駿馬下坂而意轉含蓄
語特雋洒千古豪傑功名文章

身分無不有
失足流落之恨具此包舉

西山雜詩

五首

聞道西山脉太行接嶺深入燕纔百里通晉欲

千尋

如此覺氣蒸雲夢波
撼岳陽正復不遠

夜過龍蛇跡春知草

木心靈根仍上古俯仰一微吟

庭是魚公寺清虛勝外幽隨人來佛界任意與

山遊

却又
滿酒

夜色石羊動松聲麗鼠秋勞生安有

定對此欲遲留

聽水石橋下應知洗耳勞太平通御逕曲沼合

纖毫

大內五龍池引西山水
通之石逕紆折六十里

古洞松杉落寒龍

日夜號千巖開瀑布雲氣欲飛濤

晚到香山寺搔頭瞋色分封題蒼頡字

寺有來
青閣神

宗御
書

樓閣赤城雲

西山惟香山寺
最高可望禁城

近岫親藜杖

踈鐘狎鹿羣棲栖爲幽興豈敢勒移文

雙佛何年臥空聞木葉清秋陰常在樹夏鳥不
時鳴禪心物境兩兩見之浩劫開宮闕法天閉畫旌歲時
經寂滅散慮欲無營

蚤春見蠅

尚未過春半如何起蜚蠅乾坤繁種類歲月歷
升恒有嗜從人逐尋羶與物矜不減詠鹿詩只是意高自

然多變態所愧結玄冰結更深

惡木

惡木相與澗邊生歲久無人更踴躍下有良苗

懷抑鬱蔭蔽乃復不滋榮其上枝葉互綢繆老
根入地如蟠鯨一本動搖連衆株斧斤尋之不
能爭

託典語却
自有體

圃公徘徊三太息力竭汗流徒

日瞠我命百人人一殳一殳一株無留行低頭
大呼芟除盡平疇瞬息天廓清君不見南山之
松挿天出中封雲氣掣練疋折規中矩棟梁姿
在易大壯營宮室爾木終非出羣材久妨當路
何爲哉吁嗟乎久妨當路何爲哉

藉田禮成恭記

皇帝甲戌春詔下耕藉田先期司徒公執事戒
必虔是日陪法駕翼翼競後先百草沛春暉廣
陸發清煙

敘事忽入
綴景妙

爰至躬稼所鹵簿悉以捐

天子徒步入獨召司徒前跪進耒耜具玉手一

以奉左操神農耒耜揮后土鞭玄牡感至誠不

驚袞衣翩

淡宕中
神奇

辛苦三推畢公卿乃助佃六

推更九推文數非徒然一德講民事惟願降豐
年禮成帝怡悅行幄賜內筵侑歌黎園部頗亦
奏管絃曲不奏霓裳樂不奏鈞天所奏歌伊何

所歌無逸篇雅奏固有節三歌無流連

自然法
入古

駕起還宮顧謂司徒賢自卿掌國賦頻請朕恩

蠲庶幾吾赤子寒暑稍息肩朱耒兼玄牡文綺

雜金錢頒送司徒府留爲子孫傳司徒旦日謝

迨勝達重玄

俱古
意

國家自從增遼餉天下輟耕

弄兵仗如今練餉又將出柰何剗肉補新創天

語念及稼穡艱九州貢土幸無恙積貯徒充海

內貧望下老臣前日狀帷幄更有聚斂人皇帝

聰明慎所向

結出忠懇大篇得體賈曰司徒公
常疏請恩宗發帑蠲賦異日面對

帝難之關臣溫體仁希旨進曰度支不足戶部
宜多方設處司徒公曰設處者乃聚斂之別名
臣不敢以聚斂事
陛下體仁大慙

天壽山陵

陵宮十二奠山河王氣千秋更不磨晨幄開時
紅袖散夜龍吟處翠微多

關情語却不悲涼

神孫荐食

繁霜露守戶分官淨薜蘿更有諸生思世澤老

臣昔日枕琬戈

徐曰司徒公前歲鎮昌平也

居庸關

纔欲憑高便不同居庸關上起悲風

起便得

雪明

千帳黃榆外月落一聲黑
鴈中遞北微茫傳御幄
稍南蒼翠是陵宮也知有道無須守怪爾盤空伏老熊

全首高涼結更深渾

和詹事文公宿郊壇作

千官夙夜御壇邊不數迎神太乙年
共許駿奔陪聖主全憑禋祀答皇天

添厚

銀璫傳唱春星寂

瑤鶴纔歸夜月圓
睿意頻催宮漏切
早知法從出甘泉

五六寫題妙

郊祀二十韻

禮禮圖丘重皇圖玉曆長迎休陳黍稷昭事在
羹牆之后思文績百靈覲耿光寅清夷夙夜端
拱舜衣裳風煖參樞動雲低亢宿張天顏增肅
穆亞旅盡趨蹌絳節高能聽宸居曷未忘以茲
承廟社庶可保黔蒼勳宮殿三星上君臣一氣
旁春雷翻靜夜霽雪更扶桑白馬黃龍幄金莖
玉露漿舉頭明陟降下拜暗鏗鐸共奏聞韶樂
今開宴鎬堂蓬萊通漢時日月引周行九陌分
神火層城夾御香從來瞻有道應許頌無疆祝

史前讀冊珊瑚璉早獻觴但祈齊宇宙總爲掃欂

槍

是何等下語

封禪真誣罔神仙亦渺茫小臣恭奏

賦不敢效貲郎

大閱二十五韻

講狩今曾見張皇邁古風聖仁非好戰大事在
臨戎

得體

陳勢軒轅出丹書鎬渭同飛龍隨御幄

細柳近行宮將將雲臺老赳赳兎野雄詎關翻
瀚海直欲畧崆峒偃息胡笳外規模漢月中每
當三殿坐深想二陵功

寫出憂勤

不分承平久反疑

聖武終旄頭窺塞紫獵火照關紅正是殷憂會
從開有道衷投醪霑宿衛撫髀待羣公下詔千
牛隊齊驅八駿馳旌旗邀落日鐃角起晴空卒
伍憐吳起詩書識呂蒙漢圖標閣盡周雅頌車
攻校賞衣笥重歡呼帝座通孤兒能勝甲姬女
解彎弓氣壓玄狼北聲摧白狗東中興憑一怒
丕業自今隆願戒謠成虎須令夢入熊羆頗猶
善飯馬援更成翁前代疆雖遠六師憤必窮驅
除寧得已駕馭不徒工振古休文日干戈慎省

躬規誦有龜如此
詩乃非漫賦

早朝應司徒公敬

御城佳氣曉來新
九陌傳鐘近紫宸
曙漢全明鵷鷺影
仙韶不動舞儀塵
垂衣一拜勞元相
深

殿微聞頌聖人

洗早朝套語

何苦懸輶更多

事翠華散仗誤行春

賈曰是日諫官何楷以論閣臣事得罪

宿州白注乙亥作

宿州前路上衰草尚縱橫
大野龍蛇迹荒原雉
兔行馬饑鳴後隊寇亂泊孤城
將畧書生在憑

誰欲請纓

徐曰崇禎七年諸寇掠宿州燒破鳳陽陵宮

塞下曲

二首

黃河柳岸出新條三月榆關雪未消回首征人
齊下淚冠軍獨有霍嫖姚

獨留明月度關門衰草寒雲萬里昏曾有花城
千萬戍只今何用賦招魂

在龍標太白之間又不擬杜

蜀犬行

君不見峩睂近天止一尺仰摘星河晴欲濕五
丁運斤破蠶叢至今愁暗天常泣世間怪異何

所無蜀犬見日驚吠呼一犬方吠羣犬鳴其意
似與義取爭躔次旣高難常見爾已不識胡經
經尋常語自是奇崛吾聞初出映扶桑精魄墜地成光

芒東西日行三百度帝命章亥不能量后羿神
手尚荒唐况爾小獸如羴羊吁嗟爾亦徒倉皇
如此起結與區區字句者自別

皓鬼

皓鬼清如此高懸桂影稀星河疑到地空翠欲
霑衣清麗自不減雲鬟玉臂一聯而典則具備夜寂蛟龍泣秋深蟋

蟬微遙思成往事無路問支機

晚眺

晚眺郊原接鼓鼙春風春草暮萋萋新田落照

牛羊見冥火穿林燕雀低

景外含意卽近卽遠
乃非泛然點綴者

拾翠歸人無意緒吹簫客子怨羈棲數逢耆老
淹留問指點當年說大隄

泛舟卽事

載酒消閒月扁舟問水涯沙昏藏浴鷺煙薄出

茅茨

清細含落寫
景落如畫

浩蕩從吾輩乾坤適此時應

求漁父侶歸詠去來辭

召旱

其如天道遠不雨歷三冬召旱成今日憂時尚

老農

諷而不露怨而不迫正典受諫無今日穰危異古人同最得詩意

舊逋餘

虎吻新殭亦狼烽嘆息祈年事殷勤賴守封

絕句

四首

五月榴花照眼時吳姬唱罷折楊枝容華博得
春風歇不羨清平賦小詞

曾經化碧緣偷淚暫著輕綃欲綺霞窈窕容光

不可定東皇一夜玉枝斜

奉使煩將大宛求也隨異物到皇州何如塞外
祁連草一入玉門顏色秋

當年漢帝種甘泉小卉朱明正可憐火德爭偉

赤鳳事昭陽宮裏落金鈿

高散俊逸似太白謠作李義山輩少能及

此只是氣格勝
辨者當自知之

贈徐大世琬

海內論才子斯人尚典刑江淹今擅筆劉向昔

傳經寂莫南州榻崢嶸小阮庭

自注徐有二叔

衣冠推

爾雅評隲許清醒謁帝難爲客韋玄自有亭支
干羞貴達詩賦忌神靈偃仰三冬史逍遙六月
翎何妨聊鴈鷄無意借光熒道拙身俱廢時艱
戶尚肩乾坤憐破碎勲業憶彫零避地餘空谷
從間問歲星渾渾寫來上下沉着興來共採藥老至細推
冀鳳羽千尋邈鶴鳴九子聽蚤知乘日月終已
薄滄溟結語尤自飛動淋漓之致筆有餘力

故城

爲客何時罷行行又故城日啣荒寺冷花發野

淅清垂暮時聞鴈遙村未洗兵窮愁傷景物去
住總關情

武城

十載河東路武城入望遙乾坤還氣象歲月已
蕭條獨火依村落清煙起斷橋入景清絕客思經亂
後不忍夜吹簫

朝城

春色今零落獨憐萬里行逢人稽土俗斷碣識
朝城老氣無敵吏蹟存官柳村家出晚晴太平思不

盡天或厭驕兵

麥秀

平原延野望麥秀遠離離父老愁方歇兵荒氣
未夷稍當紆國計或更仰天時

二語深大源流風雅如欲近之

慙愧野人力風謠未敢辭

寒食

望去郊原花寂寂東風寒食一相過睢陽久戍
春陰淺洛汭新收野哭多

非泛然節物語

暗水荒墳尋

石逕叢林落日憶鶯歌太平剩有遊人跡閱歲

隔年自女蘿

清明

繁華憶昔清明日千騎萬人并出遊寒食纔過
江漢女瀟陵遙思帝王州金丸落鳥珊瑚濕珠
勒迎風玳瑁柔三四濶大此富麗
合之出落淒涼自有三城征
戰後斜陽丘壘只多愁

贈徐孝廉作霖三十韻

爾亦風塵裏吾徒夙有儕揀金從麗澤
紹夜出珠厓秋水懸陳榻元封識鹿牌

用僻事
能穩

名因高

士著道自衆人楷過瞬同臧穀無心問等差翠
簾招漢閣駿骨得宛駟碌碌如公輩行行與子
偕春城雲際闕帝里禁前街省識竿能好爭知
耳不諧公卿羞絳灌山隰慰茅柴獨往盟終在
長歌願未乖浮生寧泛泛覓友託喈喈雷煥知
龍合張華辨土楷以茲釀正熟頻過藥翻階雜
佩來鳧弋昭靈失燕釵朝雲悲楚岫秋興寄秦
淮荀粲癡曾滅江淹恨未排

自注徐是時喪內

操琴求

蜀女返棹載吳娃消渴年猶壯溫柔老亦佳賜

河看織杼雅晏聽鳴蛙

用孔稚圭事

所思詩誰報開

情賦可懷豈料丁百六當道走狼豺半壁嗟沉

竈中原泣析骸衣冠兼盜賊城社倚優俳應惜

承平日徒爭左右蝸元龜須野老天子見麻鞋

自是遭逢數寧甘麴蘖埋

氣渾格高時復流動排句中勝境

有

人譏小草作意破陰霾去去松筠麓茫茫嶠嶼

涯此生寄黃綺蕭散卽高齋

蓬蒿行

君不見蓬蒿因天風西渡大河來秦中與我長

苗爭位置須臾穀死成枯叢野人無計饑欲食

亦採其實盈甌鐘

語特風雅

粒色腥黑味澁苦三咽

始下心怔慄泣語老婦爲緩死此物豈堪持上
供此物豈堪持上供天高那知年歲凶

暮春雜詩五首

黃霾赤霧一卷闌左貫蚩尤射日寒時事自回
天象改賊氛終薰聖朝寬楚人剽悍乘舟疾蜀
道崎嶇牧馬難削伐近傳真信息淮陰早晚要
登壇

禾黍望新苗雪雪經年更未調殘火殘煙
荒貉鼠枯枝枯樹泣鷦鷯三農歲事懷春粒八
口生涯累聖朝惟有桑林一痛哭不然何計徹
靈霄

接連烽火傍孤城豺虎公然陌上行赤羽飛騰
晨避澤黃巾旗幟夜椎牲已聞渤海新傳檄誰
使潢池更弄兵莫恃承平俱故事漢家航閣請
長纓

封豕長鯨掃滅無黃昏落照敵樓孤威儀坐鎮

憑賢守談笑圍城付豎儒萬馬搏風俱短箭五
原列戍盡長芟帶河北控咽喉地或藉天心未
足虞

灑酒椎牛將士功兩重堞雉四隅空前驅盡角
啼兒女獨立清宵泣老翁十二金人銷戰久三
千銳騎受降工傳聞昨日城南血親酒官軍細
柳紅

五首逼杜

四時辭四首

日暮妖姬獨倚闌黃鶯紫燕惜春殘五陵拾翠

桑中曲千騎如雲陌上看

小扇雙鬟看意忙夜明簾下拂牙床密肌紅漬
金鈿冷皎月白虛玉簾光

砧杵千家玉箭催新涼枕簟夢初迴曾填烏鵲
穿橋過憶向黃姑乞巧來

晚粧零落曉應難日午流蘇試小寒呵凍添鴉
隨手畫遠山新翠任郎看

劍客

報讐今日過踐諾昔年來千載荆軻死龍泉不

敢開

雄渾悲壯唐人
中不易得也